

L'ALBINOLE (version chantée à Albine)

(se chante sur l'air des Allobroges)

I

Salut, salut, Albino ma patrio
Oh moun païs, sous toun cel louminous
N'es pas tant blu que lou cel d'Italio,
Né sios pas mens à moun corps amoureux;
Coumo l'aoussel, aïmo lou dous bouscatsé,
Près dé soun nid, ount, petit, a biscut,
Ount a trouat l'abric countro l'aouratsé
T'aïmi citat, t'aïmi citat, ount, hérous aï grandit.

Réfren

Albino, célébren nostros berdous campagnos
Nostris risens ballouns tant naoutis é tant bels;
Juren à nostré sol, à sas naoutos mountagnos
Païs encatarel, un amour éternel.

Réfren

Albino, célébren nostros berdous campagnos
Nostris risens ballouns tant naoutis é tant bels;
Juren à nostré sol, à sas naoutos mountagnos
Païs encatarel, un amour éternel.

II

Qué d'al mari la tiédo alénado
Bengué das arbrés brandi lou ramel
Ou qué lou cers per sas frescos bufados
Bengué assoumbri l'azur dé nostré cel;
Qué faguo caout ou frés, qué plogué ou benté
Qué nostris mouns s'enmantengoun dé néou
Per iéou ya pas dé païs qué présentou
As els rabbits, as els rabbits un pus poulit tapleou.

III

A Rocomioul es la tour d'ivouairo
Tout en amoun la bierjo nous souris;
E sa statuo es d'Albino la glouairo,
Siguromen sa ma nous bénésis;
Quant la countempli y disi dé touto amo
Sur moun cami séméno calco flour,
Sa frés moun corps impulsoyé la flammo
E sa doulen, é sa doulen estanco né lous plours.

IV

A l'Agaçal un céti dé berduro
Formo toun trôné aïmado dé moun corps;
Das castagnés, das fraissés la ramuro
Lou roc lusent à ras d'un soulel d'or
A tous coustats tout so qué t'embirouno,
Belli oustals, majasses, oustals noous,
Tout es per tu, ma rèno, une courouno
Doun la perlo, la perlo es lou Roc de Peyromouos

V

Lou roc famous qué d' amoun tout doumino
Tant naout crinquat qué traouquo las nious;
Es déballat as pès dé sa coulino
Tout un manat dé faous é dé gréfouls;
Dount l' aïgo lindo é fresquo rassoulétso
En mumuren un agréaplé sou
E l' Esparbié, las Nobios, la Foun fresquo,
Cantou sans fi, cantou sans fi la bersairo cansou.

VI

Pertout, pertout, ennabal dins la plano
Amel printens uno féconditat
Qué dé L' Estap susquo la Castellano
Rend lou païs un païs encantad,
Tout aco fa qu' Albino ma patrio
T' aïmi pla maît qué tout aoutro citat;
Unis à yeou, lou sol et l'industrio
Béno counbla, béno counbla nostro fidelitat.

VII

(rajouté après la création de la commune d'Albine en 1910)

Dé Sant-Amans, ba disen sans rancuno
Pendent loutens aben pourtat lou jouc
Mai ba tenen aro que sien coummuno
D' essé toussoun dé catets n' abien prou
Lous Albinols raço balento é fiéro
Dans estranssés bannou l' aoutouritat;
Oou desplécat la brillento baniéro
Oun és escrit, ou es escrit bibo la libertat.